

"ՎԱՎԵՐԱՑՆՈՒՄ ԵՄ"  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՆԱԽԱԳԱՀ Ռ. ՔՈՉԱՐՅԱՆ

"7" հունիսի 2000 թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ  
ՈՐՈՇՈՒՄ**

**7 հունիսի 2000 թվականի N 289**

**ՖԻՐՄԱՅԻՆ ԱՆՎԱՆՈՒՄՆԵՐՈՒՄ ԹՈՒՅԼՏՎՈՒԹՅՈՒՆ ՊԱՀԱՆՁՈՂ ԱՆՈՒՆՆԵՐԻ  
ՈՒ ԱՆՎԱՆՈՒՄՆԵՐԻ ՕԳՏԱԳՈՐԾՄԱՆ ԵՎ ԱՊՐԱՆՔԱՅԻՆ ՆՇԱՆՆԵՐԻ ՄԵՋ  
ԹՈՒՅԼՏՎՈՒԹՅՈՒՆ ՊԱՀԱՆՁՈՂ ԱՆՈՒՆՆԵՐԻ, ԴԻՄԱՆԿԱՐՆԵՐԻ ԵՎ  
ՖԱՔՄԻՄԻԼԵՆԵՐԻ ՕԳՏԱԳՈՐԾՄԱՆ ԿԱՐԳԵՐԸ ՀԱՍՏԱՏԵԼՈՒ ՄԱՍԻՆ**

"Ֆիրմային անվանումների մասին" Հայաստանի Հանրապետության օրենքի 4 ու  
"Ապրանքային եւ սպասարկման նշանների, ապրանքների ծագման տեղանունների  
մասին" Հայաստանի Հանրապետության օրենքի 12 հոդվածներին համապատասխան՝  
Հայաստանի Հանրապետության կառավարությունը որոշում է.

1. Հաստատել՝

ա) ֆիրմային անվանումներում թույլտվություն պահանջող անունների ու  
անվանումների օգտագործման կարգը (կցվում է).

բ) ապրանքային նշանների մեջ թույլտվություն պահանջող անունների,  
դիմանկարների եւ ֆաքսիմիլների օգտագործման կարգը (կցվում է):

2. Ուժը կորցրած ճանաչել Հայաստանի Հանրապետության կառավարության 1997  
թվականի դեկտեմբերի 26-ի "Ֆիրմային անվանումների եւ ապրանքային նշանների մեջ  
որոշ անունների ու անվանումների օգտագործման կարգը հաստատելու մասին" N 609  
եւ 1998 թվականի մայիսի 29-ի "Հայաստանի Հանրապետության կառավարության 1997  
թվականի դեկտեմբերի 26-ի N 609 որոշման մեջ փոփոխություններ կատարելու մասին"  
N 320 որոշումները:

3. Սույն որոշումն ուժի մեջ է մտնում պաշտոնական հրապարակման պահից:

## ԿԱՐԳ

### Ֆիրմային անվանումներում թույլտվություն պահանջող անունների ու անվանումների օգտագործման

1. Սույն կարգը սահմանված է "Ֆիրմային անվանումների մասին" Հայաստանի Հանրապետության օրենքի 4 հոդվածի համաձայն եւ կարգավորում է "Հայ", "Հայաստան", "հայկական" բառերն ու դրանց թարգմանությունները, Հայաստանի Հանրապետության վարչատարածքային միավորների անվանումները, հանրահայտ անձի լրիվ կամ կրճատ անունը, նրա մահվան եւ ժառանգներ չունենալու դեպքում, իրավաբանական անձի ֆիրմային անվանման մեջ օգտագործելու հետ կապված հարցերը:

2. Իրավաբանական անձինք "Հայ", "Հայաստան", "հայկական" բառերը եւ կամ) դրանց թարգմանություններն իրենց ֆիրմային անվանումների՝ տարբերակող նշանակության անուններում կարող են օգտագործել միայն Հայաստանի Հանրապետության կառավարությանն առընթեր արտոնագրային վարչության (այսուհետեւ՝ Հայարտոնագիր) թույլտվությամբ:

Թույլտվությունը տրվում է ֆիրմային անվանման գրանցման հայտի կամ այդպիսի թույլտվություն ստանալու մասին դիմումի հիման վրա, որին կցվում է սահմանված պետական տուրքի վճարման անդորրագիրը:

Հայարտոնագիրը, ֆիրմային անվանման գրանցման հայտը քննարկելիս, ֆիրմային անվանումների՝ տարբերակող նշանակության անուններում "Հայ", "Հայաստան", "հայկական" բառերի եւ (կամ) դրանց թարգմանությունների առկայության դեպքում թույլատրում է դրանց օգտագործումը ֆիրմային անվանման մեջ, եթե հայտին կից ներկայացվել է նաեւ այդպիսի թույլտվության համար նախատեսված պետական տուրքի վճարման անդորրագիրը եւ գրանցման ներկայացրած ֆիրմային անվանումը համապատասխանում է "Ֆիրմային անվանումների մասին" Հայաստանի Հանրապետության օրենքի պահանջներին:

Սույն կետում նշված թույլտվությունն ստանալուց հետո ֆիրմային անվանման տարբերակող նշանակության անվան մեջ համապատասխան բառերը եւ (կամ) դրանց թարգմանությունները յուրաքանչյուր հաջորդ տարվա ընթացքում կարող են օգտագործվել միայն այդ տարվա համար նախատեսված պետական տուրքը նախօրոք վճարելու դեպքում:

Հաջորդ տարիների համար տուրքի վճարումը հաստատող փաստաթուղթը ներկայացվում է Հայարտոնագիր՝ վճարումից հետո 10-օրյա ժամկետում:

"Հայ", "Հայաստան", "հայկական" բառերը ֆիրմային անվանումներում կարող են օգտագործվել առանց թույլտվության, եթե դա պայմանավորված է տվյալ իրավաբանական անձի ֆիրմային անվանման մեջ նրա հիմնադրի անվանման օգտագործման անհրաժեշտությամբ, կամ եթե նշված բառերը ներառված չեն ֆիրմային անվանումների տարբերակող նշանակության անուններում:

3. Հայաստանի Հանրապետության վարչատարածքային միավորների անվանումները ֆիրմային անվանումներում առանց թույլտվության կարող են օգտագործվել, եթե դրանք

տվյալ ֆիրմային անվանումն ունեցող իրավաբանական անձը չեն բնորոշում որպես տվյալ վարչատարածքային նշանակության սուբյեկտ:

Եթե Հայաստանի Հանրապետության վարչատարածքային միավորի անվանման օգտագործմամբ ֆիրմային անվանումն իրավաբանական անձը բնորոշում է որպես տվյալ վարչատարածքային նշանակության սուբյեկտ, կամ եթե վարչատարածքային միավորի անվանումն օգտագործվում է որպես ֆիրմային անվանման՝ տարբերակող նշանակության անուն, ապա անհրաժեշտ է ստանալ մարզի անվանման համար՝ համապատասխան մարզպետի, "Երևան" բառն օգտագործելու համար՝ Երևանի քաղաքպետի, Երևանի թաղային համայնքների անվանումների համար՝ համապատասխան թաղապետի, Հայաստանի Հանրապետության այլ քաղաքների ու գյուղերի անվանումների համար՝ համապատասխան քաղաքպետի կամ գյուղապետի թույլտվությունը:

4. Հանրահայտ անձի լրիվ կամ կրճատ անունը, նրա մահվան եւ ժառանգներ չունենալու դեպքում, ֆիրմային անվանման մեջ առանց թույլտվության կարող է օգտագործվել այն դեպքում, երբ այդ անձի համբավը ձեռք է բերվել այնպիսի ոլորտում, որը համընկնում է տվյալ իրավաբանական անձի գործունեության հիմնական ոլորտին:

## **ԿԱՐԳ**

### **ապրանքային նշանների մեջ թույլտվություն պահանջող անունների, դիմանկարների եւ ֆաբրիմիլեների օգտագործման**

1. Սույն կարգը սահմանված է "Ապրանքային եւ սպասարկման նշանների, ապրանքների ծագման տեղանունների մասին" Հայաստանի Հանրապետության օրենքի 12 հոդվածի 2-րդ կետի "դ" ենթակետի համաձայն եւ կարգավորում է հոշակավոր անձանց անունները, ազգանունները, կեղծանուններն ու դրանց ածանցյալները, դիմանկարները եւ ֆաբրիմիլեներն ապրանքային նշանների մեջ օգտագործելու հետ կապված հարցերը:

2. Ֆիզիկական եւ իրավաբանական անձինք հոշակավոր անձանց անունները, ազգանունները, կեղծանունները եւ դրանց ածանցյալները, դիմանկարներն ու ֆաբրիմիլեներն իրենց ապրանքային նշանի մեջ կարող են օգտագործել միայն համապատասխան թույլտվություն ունենալու դեպքում, որը տալիս է տվյալ անձը, իսկ նրա մահվան դեպքում՝ տվյալ անձի ժառանգը:

3. Ֆիզիկական եւ իրավաբանական անձինք հոշակավոր անձանց մահվան եւ ժառանգներ չունենալու դեպքում նրանց անունները, ազգանունները, կեղծանուններն ու դրանց ածանցյալները, դիմանկարները եւ ֆաբրիմիլեներն իրենց ապրանքային նշանների մեջ օգտագործելու համար թույլտվություն ստանալու նպատակով պետք է դիմեն Հայաստանի Հանրապետության կառավարությանն առընթեր արտոնագրային վարչություն (այսուհետեւ՝ Հայարտոնագիր)՝ նշելով այն ապրանքների եւ (կամ) ծառայությունների ցանկը, որոնց համար պետք է օգտագործվի տվյալ ապրանքային նշանը:

4. Ապրանքային նշանի գրանցման դեպքում հայտին կից Հայարտոնագիր է ներկայացվում նաեւ հոշակավոր անձանց անունների, ազգանունների, կեղծանունների ու դրանց ածանցյալների, դիմանկարների եւ ֆաբրիմիլեների օգտագործման համար այդ անձանց կամ նրանց ժառանգների տված թույլտվությունը; իսկ նրանց մահվան եւ ժառանգներ չունենալու դեպքում Հայարտոնագիրը թույլտվություն տալու հարցը քննարկում է ապրանքային նշանի գրանցման հայտի հիման վրա՝ դրա քննարկման ընթացքում առանց թույլտվություն ստանալու մասին առանձին դիմում պահանջելու:

5. Հայարտոնագիրը հոշակավոր անձանց անունները, ազգանունները, կեղծանունները եւ դրանց ածանցյալները, դիմանկարներն ու ֆաբրիմիլեները, այդ անձանց մահվան եւ ժառանգներ չունենալու դեպքում, ապրանքային նշանների մեջ օգտագործելու համար թույլտվություն ստանալու մասին դիմումներն ու այդպիսի ապրանքային նշանների գրանցումը մերժում է այն բոլոր դեպքերում, երբ այդ ապրանքային նշանների օգտագործումն անհարիր է տվյալ անձի հոշակին եւ կարող է ստվեր զցել նրա հեղինակության վրա: